

НОВИ РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићена улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV.

Нови Сад, пятък 19. август 1927.

Ч. 32 (139)

Наша дужносц

Ми Русини у Югославији находзиме ше у чезких обставиных. Нашо людзе розшати помедзи другима народами, хтори су у векшини, а ми Русини, у малкей меньшини. Опагыце Бачку, як ту Русини розшати. Лем еден Руски Керестур стої як руска оаза як остров помедзи другима нерускима валалами. Иншак вшадзи у Бачкей, у Сриме, Славонији, Босни су Русини помишани зос другима народами, як зос Сербима, (Бачка и Срим). Муслиманами (у Босни) зос Хорватами (у Славонији).

Вельо отпорносци треба да ма руски народ у Югославији да ше отрима и очува, свою народносц, свою виру и своєю добри обичаї.

На першим месце ту школа. Треба, да ше по наших школах (дзе в руски народ) учи понайвеей по руски, да дзецко научи руски язык, достане фундамент основу руску. Треба, да ше у перших класох шицки предмети уча на руским языку. Требало би дац дзecom окрем руских школских кнїжкох и дзещиньски кнїжки забавни, поучни на руским языку. Руске Просв Друштво могло би легко видац Як би дзecom мило було, кед би на испитох достали як награду красну кнїжочку, за менши забавну зос образвами, за векши поучну. Я паметам, кед я ходзел до народней школи, на испитох даровано обрацки, молитвеники и други кнї-

жки побожного и свитско-го содержания. Дароване зос пенѣжом не получуе тот циль, цо зос кнїжку.

По других крайох су школски библиотеки, у хторей старши дзеци пожичаю на чит. не кнїжки. Ту спадаю дзещиньски представи, на св. Николая, на Рождество и др.

Народ руски утвердзи ше у своім, својей народносци, кед ше будзе просвищовац, кед буду по наших валалох Читални у котрих будзе живот, то вст, у котрих каждого вечара сходза ше людзе на читане, розправляне пречитаного, у котрих ше отпримую чачсто преподавания, концерти, представи и забави. Гу тому треба основац хор — гармонию треба би научиц глазбу. Вец добре би було организовац младеж у гимнастичним друштве пр. Орел. Вецка би требало основац аматорски кружок театральни, хтори би од времена до времена давал представи. Жимушнїма вечерами отвориц курси общ. й освити — знаня.

И добре економске стане народу, подзвиговане народу у господарским вopocy тиж ше причинюе до утвердзена у своім, у својей народносци. Даклем би требало закладац народни каси (банки).

Пред нами, як видзиме, вельо и вельо роботи. Зато закасайме рукави, и до работи на вирским и просвитним полю.

Кап.

У нашом отечеству

Политическе положеніе

Политически швет найбаржей интересуе пакт, ко-

трого подписали председатель влады Вукичевич и Др. Корошец. По тим пакту предвидзена ревизія устава и так волани Горні дом,

котри би мал за дужносц, контролирац закони, цо их приношуе парламент. Иншак шицки партиї робели о тим, да на време придаю своєю листи до судов, бо термин виходзели на 17 августа

Партийна агитація

Прешла недзеля була виолнета зос самима агитационима зборами: Давидович тримал збор у Банялуки, Корошец у Брежицкох, Министер Суботич у Бачкей Тополи, Радич у Петроварадину и Суботици, министр Маринкович у Банату.

Суперфосфат и плуги без царини

По наредзеню министерии Польопривреди шлбодно будзе увозиц до нашей жеми без царини уметни гной (суперфосфат) и железни плуги.

Велька експлозія

У Шапцу догодзело ше тих дньох нещесце. Експлодирала велька фабрика ляду. Пламень ишол високо над 100 метери. Запалел ше бензин и газы, цо потребни за фабрикацію ляду. Фалати експлодираних стварох наши ше на 300 метри далекко. Ест и роботнїкох, котри при тим нещесцу настрадали.

Ремесельна вистава у Новим Вербасу

В недзелю отворена у Новим Вербасу вистава вшелїяких ремесельних произведенїюх. Виставено вецей як 5000 работи а участвую 687 виставителе.

Збили ше гайзибани

Прешлого тижня догодзело ше страховите нещесце при штацији Дюнис и Сербии. Два терховни гайзибани налецели еден на другого на отвореней

драги. Вецей кондуктерох мертвих. Щесце, же то не були особни вагони, бо би велї настрадали. Од каждого уништено 24 вагони. Рахуе ше, же то найвекше нещесце по ше до тераз трафело при железницях.

Моровки у Сараеву

У послїдних дньох започали ше шириц моровки у Сараеву медзи дзечми. До тераз вст 40 случаї чежко хорн, а давни уж и умарли.

Немци у нашей жеми

Того мешаца придзе з Немцкей коло 300 професорох до наших крайох у циль, да преучую обставини при нас.

Сараевски комунисти

Полиция пренашла векшу организацию коммунистов у Сараеву, котри спели пропаганду коммунизму шириц и медзи войском и спели и у тих виберанкох виступиц зос своєю власну лсту.

Чисцене жита

Обласни Одбор бачкей жупанији оснуе у Сомборе стацию за чисцене жита и видавац ше буду новини „Ратарски Гласник“. Крем того ма ше набавиц за 400.000 дин. лепше нашене, котре ше по тунвей цени подзелї задругом.

Швиня зос 19 прашатми

У валале Рилї при Мостару догодзел ше ридки случай. Швиня газди Мирка Братича опрашела 19 прашата и то шицки живи.

Крадли кури

Двоме пайташе Слф Цафук и Ф. Херженя по-

шли да в ноци у валале Видовец крадню кури. Кед були у курняку вишол газда зос пушку и штрелел та забил Осифа а його пайташа чежко ранел.

Ляд у Банату

В ноци од вовторку на стреду спаднул на даедних местох восточного Баната

ляд, котри виницом зробел вельки чкоди.

Ресторациї на станицох

Министерія одобрила да ше на векших станицох отворя ресторациї, котри буду, власнощ приватних особох, а вец преїду до державних рүкох.

З драги до Велеграду

Пише: О. Д. Надь, каноник.

Уж сом явел читательом Руских Новинок, цо зме видзели на перших наших кроцайох медзи нашима братми Словаками. Видзели зме, як ше тот народ дзвигол, як рошне, як ше организуе, як ше збера под кридла святей католицкей Церкви, да там назбера силу и помоц за дальн вельки роботи. Видзели зме нансе уж у Братислави прекрасни ствари. Цешели зме ше и радовали, але зме ше у души и мало зармуцели, кед зме подумали на наш руски народ. А прецо зме ше зармуцели? Прето, бо зме у духу преходзели наше валали и у тих валалох находзели зме вельо наших людзох, котри ище не членами нашего Руского Просвитного друштва. Жалосцели зме ше, бо знаме, же нашо Руски Новини ище не ходза до каждой рускей хижки. Жалосцели зме ше, бо ми ище до тєраз не маме жадней фундації за штипендії пре наших ученикох, не маме свойого институту, у котрим би ше ховала наша млада интеллигенція, котру Бог не вола до священїчского стану.

Не будзем напомнима Словацке друштво святого Войтиха у Тернави, котре ма миллионни фонди и котре пре своїх членох за мали пенєжи выдава

крем календара каждого року по 4—5 книжки християнским духу. — Тото друштво ма понад 50.000 членох, подобно як цо маю браца Хорвати друштво св. Ереніма, а браца Словенци друштво св. Мохория. — Таки друштва приноша найвекши хасен каждому народу. Вони выдаваю нараз вельо добри книжки, и тоти книжки прето можу буц тунї.

Не можем не спомнуц ище єдну ствар, котра барз помагала Словаком а и тєраз їм помага, а то є их моцна банка. Добри банки принесли Чехом и Словаком шлєбоду. Добри банки отримую вшєліяки друштва, припомагаю народу при куповању жеми бо їм тунїо поживую пенєж и на тот способ организую людзох. Кед зме то видзели, теди зме з Прєосвященим владиком длуго и длуго о тим гуторели, як да ше у нас оснує добра руска банка, котра би звязала шицки нашо валали. — Але о тим тєраз не думам писац. Най о тим думая читателє Руских Новинок и най напишу, цо о тим думая.

З Братислави до Велеграду

На 20. юла рано о 10. год-

зини рушели зме ше зос Братислави. Три и под годзини вожди зме ше през прекрасни поля Словаком и Моравляном. На польох ище шицко стало. У тих крайох познейше шицко дозрева як у нас. Крем того ту того року було вельо дидждю, па пре то не мож було на час окончичи польски роботи. По перней годзини сцигнуди зме до Угорского — Градища. То желїзничка штація за Велеград. Мушим и то припомнуц, же министерія желїзницох у Чехословацкей дава каждому 33% попусту на желїзници, хто того року илзе до Велеграду.

На штації привитал нас профєсор университета з Оломуцу, др. Матоха, и одпровадзел на авто, котри на нас чекал. За 8 минути були зме у Велеграду. Вожели зме ше по красней драги. З єдного и другого боку полно яблонї, грушкы, шлївки, орехи и други овоци и т. д. — Того року ту нет овоци, або лєм ритко дагдає. Медзи дрекками з єдного и другого боку находза ше образи Матєри Божєй, св. Кирила и Методїя и подобно.

Велеград

Велеград бул за време св. Кирила и Методїя кралєвским главним местом, котре було барз вельке и барз добре утєрждєне. Нєшка ше лєм тєльо зна, же ше дившии валалчик Велеград, потим Старе Место и Угерско-Градиште находза там, дзе бул стари Велеград. Року 906. Мадяре ведно зос Нїмцами розбурели стари Велеград и шицко так унїчтожели, же нам нєшка чєшко описац стари славни Велеград.

По часох не њкого и славного Велеграду дзвигнул ше

на концу дванаестого столїтїя нови Велеград зос Монастиром монахох чина св. Вернарда, котри ше волаю Цистєрцианє. Року 1198. основал перши Моравски гроф Владислав Индрих манастир за спомнутих монахох. Зробел вон то на памятку св. Кирила и Методїя. У тим манастире пребивали снове святого Вернарда аж до Иосифа II. Вони збудовали прекрасну церкву во чєст Матєри Божєй. Тот манастир барз бул мили як паном так и убогим людзом. Монахи окончовали през вєлі роки вшєліяки роботи у церкви, на парохїйох, у гимназїйох, у семинарїйох, по шпитальох и т. д. Року 1784. завар Идсиф II. и тот манастир а монахох порозганял. Шицок маєток, котри не покрадли урядники, забрала держава Драгоциносци зос цєркви и манастиру одвєзла у гордовох. Дзєше то подзєло и до чїєй кишєнї то пришло, о тим исторїя не спомина. Прекрасна библиотека була розпредана. Манастирски будови и добро купел 1837 од держави єден бароц — Року 1883. зложело ше єдно друштво добрих католикхох з Оломуцкей архїєпархїи. Воно прекупело тоти шицки добра и управляло зос церкву и зос добрами аж до 1890. року. Того року поводал кардинал Фирстенберг Исусовцох на Велеград. Вони превжали манастир и церкву. Друге вони там нїч не маю Року 1915. отворели Исусовци у тим манастире институт за вихованє будущих мисїонарох Там були и нашо даскєльо учєнїки. Двоє з тих учєнїкох ступели до Чина св. Василїя Великого на Чернєчєй гори коло Муңкачова.

(далєй будзє).

Читайце „Руски Новини“

ФЕЛЬТОН

БАБА

Под старим лесом, у малей хижочкы, жила якашик, стара баба. Тєраз уж нет, ані тєй баби, ані хижочкы. Там дзе стала хижочка, там тєраз сушєдово польо.

Но я вам будзем шицко єдно приповедац о тєй баби, кєльо знам.

Була то барс гадна баба. Велька глава, уста, преззубох, ценки карк, горбати хрибет, и ноги як палїчки, були єй найглавнейши свойства.

Швет ю ненавидзел. Волал ю, як то обично таки баби и маю мєна, „босорка“. Дзєци кед ше дарли, па им ше спомло, же их „босорка“ у торби однєше, дораз уцихли.

За тоту стару „босорку“, ягод да не опставали людзє. До валалу би приходзєла, кед єй требало дацо

купиц, лєбо предац. Предавала печарки, койяки лїковити трави и корєнє.

З людзми ше не любєла заставац, и нїкому не приповедала причину своєй поцагнутосци од швета.

Тєльо знам я о тєй баби, а тєраз послухайце цо ми моя баба приповедала о тєй „босоркы“, єдного жимского вечара.

„Знаш, сину мой! Так почала баба, „було то барс давно, док ище я сама була дзивчатко, кед пришли двоє хлопи з тоту жєну под лес. Тот лес бул у штрєди таки вельки, лєм цо бул барс запушєни. Вшєліяки жвирини були нука. Ту було и фаркашох, и дзєвих вєпрох и лїшкох и шицкого цогод ши подумал.

А вони тройо пришли єдного дня до нашего валалу. То уж було пред вєчаром кед крави иду зполя. Питали ше якимшик чудним язиком на ноц до двох

трох хижох, але кажди ше их бал пущиц, бо незнали, цо су за єдни. Но, нїч другє не преостаяо тим людзом, лєм да себе глєдаю ноцнїк, гоч и под небом. И вони справди глєдали, и нашли под лесом, на пажици. Накладли себе огня, повдли цо мали, и полєгали. Кед ютре дзєнь, у вони ше не беру. Прєшол єден дзєнь, прєшол други, а вони место да ше беру почали дзєвгац хижку. Крепали матерїял на будовню, копали глїну, ношєли воду, так же не одлуга уж була хижа готова. Да буду бизовнейши оградзєли ю з моцними колїками, и жили себе у тим своім газдовству цїхо, мирно, одзєлєни од цалого швета. Стари, зос сином ходзел на лови а стара до валалу ношєла предавац, цо вони забили.

Раз кед так предавала, питал ше єй тарговец, од каль є. А вона му гварєла:

Там споза горох, и указала з пальцом на сивєр.

А вєцка, ягод да ше заганьбєла позбєрала ше и пошла. То було шицко, цо ше чўло о их дїдовщини.

Жили вони так даскєльо роки. Не бунєли вони народ, не бунєл их народ.

Правда же их тримали людзє, же су неприятели, и чўвали ше, да не приду з нїма вєднак, але им не робєли ані чкоди.

Но не мал право, же их за таких тримали, бо од кєди тоти людзє пришли, прєчисцєли лес, же могли и други приходзиц (гоч, по крадзєме, бо ше бали тих лесових людзох), и ношиц себе дрєва за цо им требало.

* * *

Прєшло вельо роки. Людзє не видзєли вєцєй „лесових хлопох“, лєм ище дзє кєди бабу, хтора ше уш згорбєла и ошивєла. Приповедало ше, же ше то-

ШИРОМ ШВЕТА

И Немци сцу прелециц Океан

За американцама, котри перши прелецели на крилатици атлантически Океан, спробовали и Немци Двоє пилоти Лосе и Ристич дали ше на драгу 14. августа на 6. года. попл. Их провадзела ище една крилатица, котра ше мали од половку драги поврациц. Поврацели ше шицки.

Буна Индианцох

У америцкей деожави Боливия побунели ше стари жителі Индианци против новодоселених Европейцох. Вони забиваю доселеникох и паля їх салаши и доменія. Боливийска влада послала мощни регименті войска. У буні участвує до 80.000 Индианцох.

Гром вдерел до катонацох

Над валалом Хшанови у Польскей була велька буря. Теди баш преходзел цали батальон катонацох зос Тарнова. Кед вони вошли до леса вдерел гром до едней цалей колони. Од ніх 15 чешко ранети и 30 лгко.

Жертви трешеня жеми у Китаю

По вистох, котри приходза з Китаю випатра, же трешене жеми, котре там було 23 мая спричинело вельки нещесца. Рахує ше до 100. тисачи людских жертвох.

Процес, котри интересує цали швет

У Америкі докончени процес против двох фабричних работников на мено Сако и Ванчети.

ти людзе подавели у рики, хтора тамаль прецекала. Други приповедали же обидвох роздар дзиви вепер.

Приповедало ше вшеліяк но главне було, же тих нестало за навше.

Як их нестало, почала ше и хижа валяц. Проще коло хижі исто ше валя док ше не звали. А баба „босорка“ ходзи як видиши и нешка, до валалу, предавац печарки за едзене, лебо корене за крави, да даваю млека завершела моя баба.

* * *

Уж давно умарла, и моя баба, и „босорка“. На „босорку“ ше звалеа хижа, едней ноци, док дул вельки витор. Дахтори мури по тим остали, ище длуго, длуго як заклон шлепим мишом и совом. Сови ше вельо ноци дарли над руннами. Бизовно оплаковали зос своїм: гу.. гу... гу, стару бабу „босорку“.

М. К.

ти, на котри ше сумня, же ище 1920 року забили двох фабричних касирох и оплячкали 16.000 долари. През 6 роки тирвал процес и терас их суд засудзел на шмерц. Цали швет ше интересує зос тим процесом а особено социалисти их брани. Сако и Ванчети як знак протесту несцу ніч вец. Так випатра, же вони умру од гладі скорей як ше над німа оконча суд. Вони маю буц забити на америцки способ на електричним карсцелю.

Дом за карташох

На острову Крф у штрездеземним морю мали дараз австрийски царове красну палату на мено „Ахилейон“. Ту бивала часто покойна царица Елисавета, а кед в на умарла прешла палата до рукох немецкого цара. По свитовой войни сконфисковала ю греческа влада а терас ю сце купиц едно греческо-английско друштво и ту отвориц сали за карташе так як цо у Монте Карлу.

Хасен од мертвого Моря

Познато, же Мертве моріо лежи за 394 метери нїже од Стредоземного моря. Воно глібоке 400 метери, длугоке 76 килом а широке 18 килом. У остатніх часох занімаю ше людзе зос думу, як би зос мертвого моря дегли вицацуц цо векши хасен, бо моріо ма у себе вельки кемически состоянія як и пр. бром, клор, натрий, магний и т. д.

Кед совисц пече

У варошу Харбин обешел ше познати член большевизского суда „Чекі“ на мено Газан. Вон бул еден од тих, цо забили цара Николая II и брал учасц при забиваню кїевского владика Владимира Газан пришо до харбиньскей церкви, кед служели парастос за покойного цара. Народ кед видзел Газана сцел га забив, але вон ше сконел и о годзину по тим ше обешал.

Румуньски жандаре крадно

Тих днєх на граніци гу Румунї, нашо жандаре влупели румуньски стражи, котри на граніци, як крадно од нашого народу поживлеце з по я. Пришло до борби на обидва страни, и еден румуньски стражар забити

Зос наших валалох

Нови новтаруше

Як чуеме вименовани за новтарушох до Р. Керестура п. Юліян Сакач а до Куцура п. Петро Колесар. Дотерашні новтаруш у Коцуре п. Вл. Поляк вименовани среским начальником до Кули. Було щешліво.

Зос Р. Н. П. Д.

На празник св. Апостолах Петра и Павла назбарало ше у Коцуре 329 дин. и 65 на руску просвиту. — Крем того даровали п. п. Янко Иван 50 дин. Мелана Баран р. Хромиш 10 дин.

Марія Горняк 10 дин. Стефан Горняк 10 дин. Ч. газдиня Марія Шанта, карчмарка зос Р. Керестура даровала 100 дин. а на фонд Руских Новинох 100 дин. Сердечне подзековане.

Допис

Пане редактор!

Уж було у наших Р. Новинох, даскельо рас писане о хорвацких католицких Орлох. То як нам уж познате друштва, котри организовали католики Хорвати, а котри ше по войни барз розширели по шицких Хорвацких крайох нашеј держави, а циљ им помагац священиком у просвищовању и утвердзовању Хорватах у християнскеј вири.

Того року одредзели предняци Орлох, же да отримаю еден течай за школярох на малим острове, котре ше вола Кошлюн при вельким острове Крк у Адријатическим морю. 6 VII. вичар зишли зме ше шицки до Загребу, а оталь зме пошли до Сушаку зос гайзибаџом. Було нас коло 150 зос цалей держави а нас Руснацох було 5. Рано зме препатрели красну церкву на Трсату, котру добре паметаю нашо паломници цо були у Риму. По поладню зме ше на ладі одвезли до Александрова. Вожня тирвала 5 годзини. Ту зме вишли з ладі и пошедали зме до чамцох, та зме ше одвезли на сам Кошлюн у уж самим вичаром. Даскельо слова лем о самим Кошлюну. То едно мале округле острово, котрому обруч виноши дас 2 км. Ест на нїм шицко. З едней страни шею жито, садза кромплі, кукукуруцу, парадичи, а з другей страни лес, маслина, смоква, лаворика, ядловец, рута и так далей. Розмария ту рошне як у нас габза. Видзел сом и розмарийово плочки. У штретку манастир,

у котрим монахи тримаю штириклассову гимназию.

На тим острове були зме 11. дні, и ту зме мали праву школу. Вельо учени людзе, як Преосв. Владика зос Коку Др. Сребрнич; Др. А. Ушеничнич професор зос Любляни и велі други толковали нам циљ за котрим иду Хорв. католицки Орли.

Крем теј школи було кажди дзень купане на морю од 10 годзин рано до 4 по поладню. Окрем того були зме на вецей излетох так зме були у Врбнику, Вашки, Крку и Александрову. У каждим од тих варошох зме дацо нового за нас видзели и научели. У Александрову зме шицки приступели гу святей причасци. Кед нас людзе видзели тельо таких младих школярох приступай гу святей причасци велім випадли слизи зос очох, бо лем пар дні, пред тим ше нам грожели койдзєяки невоспитани млади людзе зос диявольску мержно на шицко цо святе. Шицки родичи у Александрову у Вашки Врбнику одлучели дац и своїх синох на воспитоване католицким Орлом, бо увидзели, же лем так воспитани можу буц им на чесц и Богу на славу. Наступ у Врбнику и на самим Кошлюну шицким остал як найкраши спомен зос того течаю

Розишли зме ше 19. VII. зос Сушаку, кажди дому зос полним одушевленим за роботу медзи своїм народом, котрому сцеме принесц лепшу будучносц.

Учашник.

Вшеліячина

ЛІЧЕНЕ СЛАБОКРЕВНОСТИ

Др. Кемпбел лікар з Лондону тримал преподаваніє у котрим доказовал же слабокревносц (блядота) у човека најлепше ше вилічи, кед ше таки хори карми зос печинку, чи воловску, целячу, овчу и швиньску.

ЕДИСОН ПРАЦУЄ НАДВИНАХОДОМ ГУМИ

Славни винаходитель Эдисон працює над тим як би винайсц дацо, цо би могло заменіц гуму. Бо гумово ствари вельо требаю, а продукция гуми досц слаба. Америка би сцела, да винайдае замену за гуму, котра би ей принесла ище векше богатство.

НІЧО НОВОГО ПОД СЛУНКОМ

На собранію медицинских английских друштвох у Единбургу гуторел славни доктор Ролестон о тим, яки хороти пановали ище пред Христом и винашол, же людзе умерала

баш на такі исти хороти на яки и нешка. Косци и скоря египетских мумийох доказую, же и теди, була ефтики, реуми и т. д.

МИЛІОНИ ВАРОШИ НА ШВЕЦЕ

Пред войну було шицкого 12 вароши на швецє, котри мали вецей як миллион жителюх. По войни нараховано 40. Найвекши вароши су у Америкі, готово 25. У Европи су слдуящи: Лондон (7 мил.), Париз (4 и пол), Берлин (4), Москва (2), Бейч (1 и 800 тис.), Хамбург (1 и пол), Будапешт (1 и 200 тисачи). Найвекши миллиони варош ест Ньюйорк зос 8 и пол миллиони жителюх.

МАЄТОК ПОКОЙНОГО РУМУН. КРАЛЯ

Покойни румуньски краљ Фердинанд зохабел за собу 300 миллиони леї маєтку. Тото добро ма буц подзелене медзи

Його дзеци Карола, Николу и Илеану. Кажде од нѣх достане коло 300 тисачи долара, а крем того принц Карол место палатох достане у пенѣжох. Гдова кралѣца достане палати Котроцени и Санаю, принц Никола и Илеану палати у Букурешту. Тих днѣох и влада им одредзела даскельо милиони пенѣзи, да маю зчого „жиц“.

КАМЕНИ ДИЖДЖ

У шпанскей покраїни Кастилія недавно падал вельки диждж и каменец. Але над чим ше людзе найбаржей чудовали було то, же медзи лядом падали зарна од правого каменю. Учені людзе гваря, же тот камень пришол од велькей витровей струї, котра дзешкаль мушела камени писок дзвигнуц зос жеми до воздуха а вец го ту зос лядом спуциц.

НОВЕ ПРОРОЧЕСТВО

У Лондону тримал преподаваніе якиш Давидсон, котри преучовал египетски пирамиди (гробы кральох) и вичитал на нїма пророчество, же пред кончину швета буду ище два вельки войны: една у рок 1928 а друга 1936. Крем того гварел Давидсон, же шицки поморски держави ше дзвигну процив Англиї. — Дабоме, же жителе Лондона попрі шицких пророчествох Давидсона мирно шпя.

ВЕЛЬКИ НЬЮОРК

Ньюорк найвекше пристанище на швецѣ. Новини у Ньюорку друкую ше у 4 милиони примирникох кажди дзень. Саме чисцене и заметане улицох кошта 30 милиони долари рочно. На будоване нових зданїох у тим року одредзено 271 милиони долари.

ЛЄВИ ШЕ БОЯ ГОВЛІ

У вдним циркусу у варошу Елберсфелд случело ше такѣ:

На велькей представи указовали 14 вельки лєви. Нарав медзи нѣх вошол еден говляк и едного лєва джобнул та почал зос кридлами махац. Лєви почали сѣкац и поскривали ше. Кед уж шицки поуцекали говляк стал крашне мирно на штредку на еднеи ноги.

КИТАЙЦИ И ІХ МЕРТВІ

Китайци любля приходзиц на гроби своїх покойних, бо вони веря же умарти предкове помагаю своім потомком, але лем теди, кеди ше и потомки стараю, же би предком було легко у гробох. Прето Китайци ноша на теметов харчки зос едзеньом, вони там шпиваю и бешедую гу гробу та ше вижалю, як да умарти дацо чуе —

„ДЗВОН ШЛЕБОДИ“

У Ковну як главным варошу держави Литванїи купели америцки Литванци еден дзвон, на котрим пише: Дзвонь на вики сином Литванїи, бо шлебоду заслужуе лем тот, хто у зна бранїц. „Дзвон шлебодзи“ звонї раз до року на державне швето Вишлебодзена.

СПОМЕНИК ВИНАХОДИТЕЛЮ АВТОМОБИЛА

У Бейчу при технической школи поставели споменик Зигфридови Маркусови, першому, котри видумал автомобил. Було то 1864 року, кед вон перши раз спробавал свой автомобил. Полиция забранела теди гонїц йому автомобил по улицох.

СМЕРТ ОД АВТОМОБИЛОХ

По еднеи америцкей статистици нашло смерт од 1919 до 1926 р. под автомобилем 137 тисачи особи. У свитовой войны шицкого угнуло 120 000 американох. Дакле вецей за 17.000 людвох нашли смерт под колєсами.

ваме од Бога ласки найсовершенейши су св. тайни; а од тих найвечей нам потребна за одогнане нечистого духа и його плодох грихох, тайна покаянїя, або св. споведз. У щирей добрей споведзи чисии ше человек од каждей духовней нечистоти и так одганя од себе нечистого духа, дябла Св споведз установал сам Г. наш Исус Христос, кед гварел „Им же отпустите грихи, отпусться им, им же держите, держатся им“.

Да ше грихи можт отпустиц муша ше перше исповидац, бо иншак би апостоли и их наслїдници не знали, кому треба отпустиц, а кому затримац. Муши ше перше знац, яки су, чи ше человек за нѣх каб, и чи сѣ зло поправиц и цудзе врациц, бо иншак споведз лем лицемирство. Споведац ше по Божей заповесци мушиме шицки, цо зме зохришели и дяволску власц на себе нацагли.

А дзе ше отримуе тото божѣ заведение в найлєпше, найтвардейше, найточнейше, стално и по всюду?!

Котра християнска церква затримала од початку до нешка у пракси, и животу тоту заповесц?!

То думам, же кажди християн лєхко потрафи од разу. Св. споведз ше отримуе по Исусовой заповесци точно и ставно едино у католическей Церкви.

Ту ше людзе чисца през цали рок, кажди дзени у св. споведзи од грихох и так одганяю од себе з молитву и постом дявола.

И то еден вельки знак, же ше находиме у правей церкви Христовой, кед отримуе св. споведз, бо то заведение Боже.

И то причина, же ми признаваме Матку Церкву Христову, католическу, за свою Матку; и признаваме ше ей синами и любиме ю, бо вона едина чува шицки институциї божи на тим швецѣ точно совершено як Христос наложел.

М. Мудри.

Нашо претплатниці

На 1927. рок уплацели предплату слїдуюци п. п. Яков Чизмар, музикант Р. Керестур 100 дин. Михал Бодянец, Р. Керестур 100 дин. Осиф Турински, Дюрдов 100 дин. Шимко Виславски, Дюрдьов 25 дин. Петро Колбас, Дюрдьов 50 дин. Янко Сабо Дайко, Дюрдьов 30 дин. Владимир

Шандор, Коцур 100 дин. Габор Папуга, Миклошевци 50 дин. Самуел Скубан, Коцур 100 дин. Михал Керекдярто Дюрдьов 25 дин. Петро Бучко, Миклушевци 100 дин. Михал Уйфалуши, Дюрдьов 100 дин. Янко Ковач, Р. Керестур 50 дин. Яким Гарди, Косанчич 50 д.

БЕРЗА

Берлин 1 злата марка	13.46 д.
Будим. 1 пенги (pengő)	9.90 „
Италия 100 лира	316.— „
Букарест 100 лей	34.— „
Лондон 1 фунд. штер.	276.— „
Нью-Йорк 1 долар	56.80 „
Париз 100 франки	223.70 „
Праг 100 Чес. кр.	168.— „
Акции З. К. Б. Д. Д.	325 „
Швайцарска 1 франк	10.95 „
Виден 1 шилинг	8.— „
Наполендор 1 ком.	218.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт	6.— „
7% держав. позичка за 100 динара ном.	86.— дин. 2 1/2 %
ратна штета за 1000. дин. ном	342.— дин.

За злато и за вредносни папире плацаю банки потполни курс, а на валути о даскельо поена меней.

Тарговина

Жито	305.— Д
Кукурица	205.— „
Хмель	10—11.000 „
Мука нулерова	435.— „
„ хлєбава	400.— „
Млєко литра	3—4.— „
Качки	35—60.— „
Гуски клюкани кг.	65—90.— „
Говедзина	16—20.— „
Швиньске месо	20—22.— „
Целечина	28—30.— „
Славїна сушена	22—25.— „

Швєточни отпочивок

Недз. 10 по Сош.

Во время оно, человекъ нѣкый приступи ко Исусу кланяяся ему и глаголя: Господи, помилуй сына моего, яко на новы мѣсяцы бѣснуется, и слѣ страждетъ: множицею бо падаетъ во огнь, и множицею въ воду. И проведохъ его ко учеником твоимъ, и не возмогаша его исцѣлити. Отвѣщавъ же Исусъ рече: о роде невѣрный и развращенный, доколѣ буду съ вами, доколѣ терплю вамъ, приведите ми его съмо. И запрети ему Исусъ: и изыде изъ него бѣсъ, и исцѣлѣ отрокъ от часа того. Тогда приступиша ученици ко Исусу на единѣ, рѣша: почто мы не возмогохомъ изгнати его, Исусъ же рече имъ за невѣрствѣе ваше: аминь бо глаголю

вамъ: аще имате вѣру яко зерно горушно, речете горѣ сей преиди отсюду тамо, и преидет: и ничтоже невозможно будетъ вамъ. Сей же родъ не исходитъ, токмо молитвою и постомъ. Живущимъ же имъ въ Галїлеи, рече имъ Исусъ: преданъ имать быти сынъ человеческий въ руцѣ человекъ и убїютъ его, и въ третїй день востанетъ.

„Сей же род не исходит токмо молитвою и постом“. Грих и його оца дявола не мож одогнац лем з молитву и постом, гутори Спасителѣ, Гу посту ше рахуе кажде во держанїе од шицкого, цо би могло начкодзиц души и целу и закончуе ше у чесноти умерености, и усовершуе ше у умертвенїю самого себе, кед человек зна зос собу совершено владац: того ше тримац, а од того сѣкац.

Од молитвох, у котрим доби-

На предай по туней цени хижа и 2 ютра

першей класи жеми Хижа при калдерми згодна за тарговину у карчму.

Презнац ше при

Алойзія Лукич
Пишкоревци.

